

penderent. Oborta mox difficultate, annuo vectigali obstrictos Polonos esse Turcis dicentibus; contra Polonis, annuatantum pensioni se obnoxios, contendentibus; protractum negotium est, non absque suspicione, ni majoribus curis implicatus Turca fuisset, ne tandem belli turbo in Sarmatiam sese effunderet.

At Henrici Galliae Regis, Anglaeque Reginae legati in Hispanos Amurathem incendebant; illorum nimium sese effertis potentiae deprimendae occasionem adesse; Hispaniae litora, Baetica praesertim & Lusitaniae praesidiis nudata; Lusitanos nondum Antonii Regis oblitos, in omnem occasionem ad Castullonensium jugum excutiendum intentos; Hispanos vires omnes in Belgium & Galliam contulisse. Neque vero minori sollicitudine Caesar detinebatur: licet enim Cracovicium oratorem cum muneribus ad inducias renovandas, concordiaeque leges pro Pannoniae regno firmandas Byzantium misisset; Sinanes tamen Hungariae Bassa ingentem incolarum manum in Croatiam immiserat, quae ferro, igne, direptione vicos aliquot depopulata, Canisiam usque, tutissimum ejus provinciae propugnaculum, se intulerat; quibus Nadaštius ac Sumaschius, peditatu atque equitatu, quanto maxime poterant, coacto, obstiterant. Harum rerum causas cum Turcae in ministros rejicerent, querelas in Uscochos addebant; terra marique innumera ab ea gente sibi damna inferri; mercimonia diripi; Ottomano imperio subiectos, Adriaticum mare negotiorum causa percurrentes necari. Quapropter saepius a suis Amurathes excitabatur; ut, in Perside jam firmatis rebus, armis Caesarem aggrediretur: cui sententiae insitum in Ottomanis Regibus Viennae potiundi desiderium adstipulabatur, quod ea civitas aditum ad Germaniam praerberet. Hae suspicionum causae Caesari erant.

Venetias vero crebris Byzantio literis nuntiisque afferebatur, praepotentem classem Turcas emissuros; in navalibus sedulo edificandis vel farciendis navigiis tempus impendi; pecuniam colligi; nauticum panem aliaque ad classem instruendam, hippagines ad equos trajiciendos, tormenta ad muros dejiциendos comparari: ex quibus, ne Amurathes cristianorum Principum diffidiis incitatus, tot apparatus in Reipublicae maritimas ditiones effun-

H. Mauroceni T. III.

I

deret,

1591

Gallus &
Anglus le-
gati Turcas
contra His-
panos concit-
ant.

Croatia &
Sinane
Hungariae
Bassa inva-
ditur.

Venetorum
suspiciones
de Turca-
rum armis.